

Piçul gjornâl dai fruts



SCUELE PRIMARIE di PANTIANINS

Edizion straordinaria

Supplemento n.1 al n.4 de "Qui Pantianicco, ieri ed oggi"

GNOVIS A SCUELE NOVITA' A SCUOLA

O vin tantis gnovis di contâus e une sole edizion anuâl dal gjornalin no nus sarès bastade par tratâlis. O vin cussì decidût di fâ vignî fûr une edizion straordinaria dal Piçul gjornâl dai fruts. Chest an o sin propit in tancj a scuele: ben 160 fruts e une vore di insegnants. Par vê tornât a organi-

zâ i soi spazis, o ringraziin il Comun di Merêt di Tombe che al à continuât a dimostrâ la sô speciâl atenzion viers la scuele. Cumò dutis lis aulis a an la Lim e imparâ al è simpri plui divertent. A son ancje dai bancs gnûfs

che a parin dai pics di flôrs, e soredut, des bielissimis persianis gnovis che a son pardabon utilis.

Abbiamo un sacco di novità da raccontarvi e una sola edizione annuale del giornalino non ci basterebbe per illustrarvele. Abbiamo così deciso di far uscire un'edizione straordinaria del Piçul gjornâl dai fruts. Quest'anno siamo proprio tanti a scuola: ben 160 bambini e molti, molti insegnanti. Per la riorganizzazione dei suoi spazi,

ringraziamo il Comune di Mereto di Tomba che ha continuato a dimostrare la sua attenzione speciale verso la scuola. Ora tutte le aule sono fornite di Lim e imparare è sempre più divertente. Ci sono anche dei banchi nuo-

vi che sembrano petali di fiori, e soprattutto delle bellissime persiane nuove che si rivelano davvero utili.



**Buine leture
a ducj**




**Buona lettura
a tutti**



LA PRIME ... cu i siei picinins

Nô fruts di Prime fin dal inizi dal an scolastic o vin fevelât des nestrîs emozions. O vin preparât une ruede cu sîs musutis e ogni lunis, prin di tacâ la lezion o contîn cemût che si sintîn e parcè.

Se o sin contents o disîn che o sin "di lusso", se alc nol va o disin "avilît" o "pensierôs" e se no vevin voie di vignî a scuele o disîn che o sin "rabiôs" o "strac".




LIS SECONDIS

Il mêz di Otubar, nô fruts di Seconde o vin fevelât dal Creât, de so bielege e de impuartance di tignî cont di lui.



O vin viodût ce che nô fruts o podîn fâ par vê cure di lui. O vin pensât che a son tantis li robis, par esempi no butâ cjartatis par tiere, no crevâ lis plantis o i ramaçs dai morârs, no tormentâ lis besteutis, no straçâ la aghe cuant che o lavîn i dincj o la curint cuant che o lassîn masse lûs impiadis in cjase.



O vin fat cul cartoncin un biel cai colorât.

Barzalete ... Pierino al domande a so Pari: "Papà sâstu firmâ a voi sierâts?" "Sigûr" al rispuint il pari "Alore, siere i vôi e firmimi la pagjele" i rispuint il frut.

LIS TIERCIS

...Nô fruts des Tiercis, in cheste prime part dal an scolastic, o vin fevelât dal timp me-




teorologjic e des peraulis furlanis par descrivilu. Daspò o vin fat i dissens e sot o vin scrit cemût che si dîs par furlan. Po dopo lis vin scritis ancje par inglês cul jutori dal nestri compagn specialist, James di Tierce A.

Il mût di dî che nus à plasût di plui al è "l'arc di San Marc" che par talian al è l'"arcobaleno".



LIS CUARTIS

Vinars 26 di Otubar lis cuartis di Pantianins a son laadis a Merêt par viodi la mostre sù il Friûl protostoric, si che duncje inte ete dai cjastelîrs e, soredut, su la "Tumbare" di Tombe. I fruts a an podût scoltâ des spiegazions une vore interessantis e ognidun al à podût fâ di bessol une "piçule tumbare".



Al è stât un biel mût di scuvierzi alc di plui sù la nestre tiere e le nestre storie, cognossint di dongje e di persone un nestri von, ricostruît une vore ben, propite come che al jere di vîf.

Nô fruts o vin fate une interviste immaginarie al zovin inte tombe parcè che o jerin curiôs di savê cemût che al viveve. Par esempi:

Ce mangjavisio in che volte? - O mangjavin liûms, cereâi, lat e dome ogni tant cjar. Parcè ti àno prontade une tombe cussì impuartante? - Parcè che o jeri un dai pôcs che al saveve lavorâ il metal si che duncje o jeri une vore util a la comunitât.

Cemût mai inte to tombe a jerin ancje vues di bovin, ecuin e di gjenar uman? - Al jere un rîf propiziatori dal gno popul.

Parcè muriviso cussì zovins? - Parcè che in che volte a jerin tantis malatiis e nô no savevin curâlis.



JACK DAY (dal purcit no si bute vie nuie)

Une tradiçion une vore vecje dal nestri teritori, vie par l'Invier, e je il purcitâ. A Merêt fintremai une zornade e ven avodade al purcit e ai prodots che di lui a vegni gjavâts fûr: Il Jack Day! I purcitârs Marco, Lorenzo e Fabio a son vignûts intes classis cuintis a spiegânus cemût che si lavore la cjar dal purcit, fasintnus viodi ancje in maniere simpatiche des fasis e a la fin o vin insacât il nestri salam di cjarte.

REDAZION

Ideazion e coordinament:

Mestris Meri, Antonella e Daniela

Argoments e tescj:

Lis mestris di furlan

Meri, Gianna, Antonella, Daniela, Genny, cu la colaborazion di Katia de biblioteche filologjiche e di Walter Mattiussi

Ringraciaments:

al Dirigjent Scolastic Maurizio Driol, a Francesco Altan par la vignete di repertori, ae Aministrazion Comunâl di Merêt di Tombe/ lenghe furlane, ae Associazion Cultural "Qui Pantianicco" par vê sostignût la stampe a colôrs, a ducj i mestris e ai famôs fruts de Scuele Primarie di Pantianins.

Mandi a ducj e buine leture!



*Tancj augurons
a la mestre
Gianna che si
maride*

... E PAR FINÎ US MOSTRIN IL "LUNARI 2019" de CUINTE!

Vie pal mês di Dicembar al è stât publicât il Lunari 2019 che nô fruts des classis cuintis o vin metût adun: al è stât un lavôr che nus à appassionâts fin dal inizi, cuant che tal mês di Otubar lis mestris nus àn proponût di meti adun un lunari cu lis fotografiis dai lûcs plui impuartants dai nestris paîs.

Un zirut pai nestris paîs O vin cussì cumbinât di dividisi in doçis grups misturâts di 5A e 5B e si sin cjetâts un daspò misdi, ae fin de scuele, par fâ tantis bielis fotografiis, che o vin salvadis su clavutis USB, par sielzilis po dopo in classe.

Cu la mestre Ave o vin scrit lis didascalii e cu la mestre Genny o vin prontadis lis tabelis cu lis zornadis dai mês, o vin sielzudis detulis furlanis e metûts dentri ancje i nestris compleans cui segns zodiacâi... dut par furlan.

Al è stât un lavôr une vore divertent che nus à dât mût di lavorâ insiem e di meti in vore un calendari che par nô nol valarà dome pal 2019, parcè che lis fotografiis che a son li dentri a saran un biel ricuart par cuant che o sarin grancj.

